


Le i mu dishinda dyepi mokenda? Le ukashala enka mu dishinda dikata ditwala ku koneke nansha ukatwela mu dishinda dityetye ditwala ku bumi bwa nyeke? Kyaba kekyapityile ehe kya abe kwalamuka ne kulonda dishinda dyakusebele Yesu. *"Mwanda kikata i kibelo, ino katyetye i kashinda katwala ku bumi, mwiko i batyetye bekatana"*. Mateo 7:14.



P.O. BOX 1115 • YORK, SC 29745 • 803-684-1535
WWW.HOPETRACTS.ORG
Which Way? (Kiluba) Tract 666



Batwe bavule bene kitatyi kimo, tuponenanga mu kujimina kadi twabulwa kuludiwa mu bumi bwetu ponkapo twasakidila kutana dishinda dyakutambilapo. Ponkapo twasakidila kumona muntu wakwituludika mwakutambila. Kabidi Mukanda wa Leza i kalombwe ketufunkila kokwa kwa nyeke-ke. Ao witulombolanga motukokeja kukafikila momwa mulu, kadi ne kwituvuluja kisanso kikatampe kitusenswe Leza. *"Mwanda Aye Leza byasenswe bapanopantanda nenki, wapana Mwana wandi wa bunka'mba, ense wakumwitabija nankyo kakonekapo ehe, poso atambule bumi bwa kuladila monka nyeke ne nyeke"* Yoano 3:16.

Shi abe kyokunyine i kwikala na ntumbo ne bupeta, kudi mashinda okokeja kwielamo akakutwala ku bino'bi, ino yuka'mba kumfulo kwa'o ukajimija dishinda ditwala kokwa kulu. Ke-kintu Kinenwa kya Leza (ke Mukanda Ukola kadi) witulombola mu Mateo 7:13 amba bantu bavule bendanga mu dishinda ditwala kukoneka. *"...kikata kyo kibelo, dikatakata dyo dishinda ditwala ku koneke, kadi i bantu bavule batwela'po"*.

Padi usakanga kukatwela mulu ino kuyukilepo dishinda ditwalamo. Bantu bamo bafwatakanya'mba shi wi wabinebine ne kulongapo bingojila mpikila, ponkapo'mba ukatwela momwa mulu. Bakwabo nabo bobafwatakanya'mba shi ngidi biyampe na balunda name, nkwasha balanda, kadi ne kuba mingilo milumbuluke ku bantu bakwabo, ponkapo'mba nketabijibwa kutwela mulu. Ano mashinda amweka bu malumbuluke kotudi ino Nkindi 14:12 itulombola'mba *"Kudi dishinda dimwekele bu diyampe kudi muntu, ino nanshi adyo i mashinda a lufu"*.

Padi wi umo wa mu bano bakulupile'mba kudi mashinda mashiñane atwala momwa mulu kadi ne kunena'mba uno mutotelo utabukile mukwabo. Ufwanyinwe dibajinji kuyuka'mba kudi enka dishinda dimo dyonka dyetusokwedile mu Kinenwa kyandi dikakutwala momwa mulu. *"Ponkapo Yesu wamunena'mba, Ami enka ne dishinda, ne bine, kadi ne bumi: kekudipo wakufika kudi Tata, poso ponka padi Ami"*. Yoano 14:6.

I enka Yesu kasuku kandi ye ukokeja kukupandija. *"Bukudi kebutanwapo mu muntu mukwabo: kekudipo dijina dikwabo munshi mwa dyuba dipebwe ku bantu mo baswa kupandila ehe"*. Bilongwa bya Batumibwa 4:12. *"Kabidi mu dijina dya Yesu manwi onsololo akamufukatyila, adi momwa mulu, kadi ne adi panopanshi, kadi ne bintu bidi panshi pa panshi: kabidi ndimi yonso iketabija'mba Yesu Kidishitu i Mfumwetu, konka ku ntumbo ya Leza Tata"*. Bene Fidipai 2:10-11.

Kutompa kwikala bu muntu muyampe kadi ne kuba mingilo milumbuluke kebikakupandijapo ehe mwanda ibatulwe pa kitompekejo na Leza ponkapo ibakadikile. *"Ke-bantu abo bonso ibapyemambo, kadi bakadikile pa ntumbo ya Leza"*. Bene Loma 3:23. Nanshi dishinda ditwala kwa Leza i ponka padi wandi Mwana Yesu Kidishitu kete. Kabidi Aye wafwile pa mwanda wa bubi bwa bapanopantanda, wajikwa kadi kupwa kwa mafuku asatu wasangukile kutamba mu lufu. *"Shi unene ku kyakanwa kyobe amba Yesu i Mfumwami, kadi ne witabije ku mutyima obe amba Leza wamusangwile kutamba mu lufu, nabya ne kupanda ubapande"*. Bene Loma 10:9.